

第三六冊目次

佛說字經抄一卷	吳支謙譯	一
佛說海龍王經四卷	西晉竺法護譯	一五
佛說首楞嚴三昧經三卷	姚秦鳩摩羅什譯	七四
佛說觀普賢菩薩行法經一卷	劉宋曇摩密多譯	一一四
佛說觀藥王藥上二菩薩經一卷	劉宋置良耶舍譯	一二七
不思議光菩薩所說經一卷	姚秦鳩摩羅什譯	一四二
十住斷結經十四卷	姚秦竺佛念譯	一五三
諸佛要集經二卷	西晉竺法護譯	三五三
佛說未曾有因緣經二卷	蕭齊曇景譯	三八七
菩薩瓔珞經十三卷(一)	姚秦竺佛念譯	四一九

佛說李經抄

抄亦云李經

改十

吳月支優婆塞支謙譯

聞如是一時佛在舍衛國太子名祇有園田八十頃去城不遠其地平正多衆果樹處處有流泉浴池其中潔淨無有蚊蜂蚊蚋蠅蚤居士須達身奉事佛持五戒不殺不盜不姪

一

不欺不飲酒見諦溝港常好布施賑救貧窮人呼爲給孤獨氏須達欲爲佛起精舍周遍行地唯祇園好因從請買太子祇言能以黃金布地令間無空者便持相與須達曰諾聽隨價數祇曰我戲言耳訟之紛紛國老諫曰已許價決不宜復悔遂聽與之須達默念何藏金足祇謂其悔嫌貴自止曰不貴也自念當出何藏金耳即時使人象負金出隨集布地須臾滿四十頃祇感念佛必有大道故使斯人輕寶乃爾祇曰教齊是止勿復出金園地屬卿我自欲以樹木獻佛因相可適便立精舍已各上佛佛與千二百五十沙門俱止

其中是故名曰祇樹給孤獨園也

其王名卑先匿舉宮中及人民皆共事佛奉諸沙門衣食牀卧疾藥所宜世無佛時諸異道皆興譬如昏夜炬燭爲明天下有佛衆邪皆歇喻若日出火無復光國中本共事五百異道人異道衆邪是時皆廢諸異道人乃共嫉妬謀欲毀佛以望敬事其女弟子名孫陀利曰師莫愁也我能令人不復敬佛事師如故便從今始欲日日粧梳衣服往詣佛諸沙門所至一月後可默殺我埋祇樹間佯行求索衆人當言數見此女往來精舍即詣王告乞更搜索啼哭出屍道其姪亂無戒行意國人聞是必當捨佛來事諸師諸師曰善女如其言往來一月師使四人共殺埋之分布求已詣闕告言生亡一女衆人悉見日日往來諸沙門所乞吏搜求王即勅外部吏與共按行諸師乃佯徘徊再三過出屍與載遍行啼哭曰沙門之法戒當清淨反姪人婦恐事發

覺殺而藏之有何道哉國人聞此多有信者
唯得道人知詐偽耳

佛於是乃勅諸沙門且勿入城七日之後事
情當露至八日旦佛使阿難至巷說曰妄語
讒人天令口臭詐誣清白死入地獄凝虐自
怨長夜受苦國人聞是語皆相謂曰沙門必
改十

清淨故佛說此耳王使人微密伺之見異道
家竊相勞賀共賜四人異道人法知經多者
得分多一人頑闇得分獨少怒曰當反汝事
自共殺人而詐誣佛反與我少伺人得之牽
將上問到以實對即收謀者王與羣臣俱出
詣佛給孤獨氏諸清信士及國人民無數皆
行詣佛到作禮畢各一面坐王叉手曰聞聞
此謗莫不惘然唯佛至真清淨無量不識其
故何緣有此

佛告王曰誹謗之生皆由貪嫉而此又矣非
適今也王曰願欲聞之佛言宿命無數世時
我為菩薩道常行慈心欲度脫萬姓時有滿

隣奈國廣博嚴好人民熾盛中有梵志姓瞿
曇氏才明高遠國中第一有三子其小子者
端正無比父甚奇之為設大會請諸道人中
外親戚抱兒示之衆師相視曰是兒好道有
聖人相必為國師因名為李李幼好學才藝
過人悉通衆經及天下道術九十六種死生

所趣山崩地動災異禍福醫方鎮厭無所不
知能却姪心消伏蠱道武略備有而性慈
瞿曇歿後二兄嫉之數求分異曰李幼好學
事師消費與分當少毋憐念之數曉二子二
子不止李見兄意盛自念人生皆為貪苦所
逼我不去者兄終不息因自報母求行學道
改十

母便聽之李即去追就明師作沙門便於山
中自得四意一慈衆生如母愛子二悲世間
欲令解脫三解道意心常歡喜四為能護一
切不犯復得四意諸佛所譽一制貪姪二除
恚怒三去癡念四得樂不喜逢苦不憂又絕
五欲目不貪色耳不貪聲鼻不貪香舌不貪

味身不貪細滑能以智慧方便之道順化天下使行十善孝順父母敬事師長諸疑惑者令信道德知死有生作善獲福爲惡受殃行道得道見憂厄者爲解免之疾病者爲施醫藥用李教者死皆上天其有郡國縣邑水旱災異李至即平毒害悉除

時有大國安樂饒人王名藍達所任四臣專行邪諂姪盜姦欺侵奪無厭民被其毒王不覺知李愍傷之往到城外從道人沙陀寄止七日乃入城欲乞食王於觀上見李年少儀容端正行步有異心甚愛敬即出問訊王曰願道人留住我有精舍近在城外可於中止

當給所須李曰諾王喜曰意欲相屈明日已去日於宮食李曰善王還向夫人說李非恒人汝明日當見之夫人心喜床下有犬犬名賓祇聞之亦喜明日李來入宮王與夫人迎爲作禮與施金床氍毹毼毼李欲就座犬前舐足王自行澡水散意奉食食已而俱出到

外精舍李爲王說治國正法王大歡喜因請李令與四臣共治國事四臣愚怯不習戰陣自知貪濁常恐王聞一臣曰人死神滅不復更生一臣曰貧富苦樂皆天所爲一臣曰作善無福爲惡無殃一臣自恃知占星宿然皆佞諂不爲忠正李性聰明高才勇健仁義恭

敬信順寡言言常含笑不傷人意清淨無欲節色少事其政不煩預知災異能役鬼神却起死人愛民如子教之以道不得酖醢遊獵畋漁彈射鳥獸殺盜姪欺讒罵佞嫉諍怒妖疑皆化使善其爲政後國界安寧風雨時節五穀豐熟衆官承法不復擾民李體無爲獨

改十

四

貴奉佛沙門四道朝暮誦習及其姊子亦賢有志常師仰李國好學者多依附之王無復憂一以委李四臣畏忌不得縱橫與嫉妬意謀欲治李共合財寶人一億所伺王出時以上夫人而自陳曰臣等至意奉家所有及身妻子當爲奴婢欲白一事願蒙聽省夫人貪

得受其好寶答謝四臣曰便可說之四臣對曰王所幸李被服麀陋似乞人耳見任過重不念國恩日日道夫人惡教王遠房室竊念夫人宜及少壯當有立子今若失時則絕國嗣願熟思惟不除李者恐後有悔夫人恚曰王信此人不知其惡各且還歸今自憂之比令明日不見李也夫人遣四臣出即以梔子黃面亂頭却卧須臾王還內妓白王夫人不樂王素重之入問再三夫人不應王即怒曰何人有罪應誅戮者汝欲使我取誰那爾夫人垂泣曰王會不用我言耳王曰便說之不違汝也夫人即曰王旦適出李來謂我言今王老耄不能聽政國中吏民皆伏從我以可齒之共此樂也今反為此乞兒所謀我故愁耳王聞是語譬若以噎既不能咽亦不得吐不用恐悔用之恐亂念李助我已十二年常以忠正憂國除患遠近賴之此國之寶不可治也王曰若治李者後必大亂為萬民故且

改十

五

共忍之夫人便自擲床下舉聲哭曰不治李者我當自刺自投樓下不能見也王復曉曰汝亦知法此非小事起共議之夫人還坐王曰道人不可刀杖加之當以漸遣之稍減其養明日來者勿復作禮擎拳而已與施木床於殿下坐炊惡廝米盛以瓦器如是慚愧極自當去王說此時賓祇不悅夫人明旦即以王教具勅內厨李來入宮賓祇於床下嚙啖吠之李見狗吠夫人擎拳及所施設即知有謀自念我欲無害於人人反害我如是當避入深山耳小怨成大不可輕也彼以陰謀我宜慎之凡人身羸行正為強今我自有食鉢水瓶革屣繖蓋鹿皮之囊斯足用矣李食已攝物欲去王驚起曰是何疾也顧謂夫人乃使我失聖人之意即前牽李問欲何之李答曰為王治國十二年矣未曾見賓祇嚙啖如今日也是必有謀故欲去耳王曰實有今見李意覺微甚明願自勸勵當誅惡人不須去

也李曰王前意厚而今已薄及我無過宜以時去夫盛有衰合會有離善惡無常禍福自追結友不固不可與親親而不節久必嫌嬖如取泉水掘深則濁近賢成智習愚益惑數見生慢疎則成怨善交接者往來以時親而有敬久而益厚不善交者假求不副巧言利

辭苟合無信接我以禮當以敬報待我以慢當即遠避有相親愛迴相憎者愛時可附憎不可近敬以親善戒以遠惡善惡無別非安身之道人無過失不可妄侵惡人事已不可追納前人欲疎已不可強親恩愛已離不可追思鳥宿枝折知更求栖去就有宜何必守常朽枝不可攀亂意不可犯人欲相憊相見不懼唱而不和可知為薄人欲相善緩急則赴言以忠告可知為厚善者不親惡者不疎先敬後慢賢愚不別不去何待夫人初拜今但擎拳若我不去將見罵逐初施金座今設木床初盛寶器今用瓦甌初飯粳糧今惡廝米

改十

六

我不去者且飯委地知識相過主人視之一宿如金再宿如銀三宿如銅證現如此不去何待

王曰國豐民寧李之力也今棄去者後將荒壤李曰天下有四自壞樹繁華果還折其枝虺蛇含毒反賊其體輔相不賢害及國家人為不善死入地獄是為四自壞經曰

惡從心生反以自賊如鐵生垢消毀其形王曰國無良輔實須恃李若欲相委是必危殆李曰凡人有四自危保任他家為人證佐媒嫁人妻聽用邪言是為四自危經曰

愚人作行為身招患快心放意後致重殃

王曰我師友李常在不輕當原不及莫相捐去李曰友有四品不可不知有友如華有友如秤有友如山有友如地何謂如華好時挿頭萎時捐之見富貴則附貧賤則棄是華友也何謂如秤物重頭低物輕則仰有與則敬無與則慢是秤友也何謂如山譬如金山鳥

磧砂大藏經

佛說李經抄

卅

影印宋元版

獸集之毛羽蒙光貴能榮人富樂同歡是山友也何謂如地百穀財寶一切仰之施給養護恩厚不薄是地友也王曰今我自知志思淺薄聽用邪言使李去也李曰明者有四不用邪偽之友佞諂之臣妖孽之妻不孝之子是為四不用經曰

改十

七

邪友壞人佞臣亂朝孽婦破家惡子危親王曰相與愛厚宜念舊好不可孤棄也李曰有十事知愛厚遠別不忘相見喜歡美味相呼過言忍之聞善加歡見惡忠諫難為能為不相傳私急事為解貧賤不棄是為十愛厚經曰

化惡從善切磋以法忠正誨勵義合有道王曰四臣之惡乃使李恚不復喜我李曰有八事知不相喜相見色變眄眦斜視與語不應說是言非聞衰快之間盛不喜毀人之善成人之惡是為八事經曰卒鬪殺人尚有可原懷毒陰謀是意難親

王曰是我頑弊不別明闇惡人所誤遂失聖意李曰有十事知人為明別賢愚異貴賤知貧富適難易明廢立審所任入國知俗窮知所歸博聞多識達於宿命是為十事經曰緩急別友戰鬪見勇論議知明穀貴識仁王曰自我得李中外恬安今日相捨永無所恃李曰有八事可以恬安得父財有善業所學成友賢善婦貞良子孝慈奴婢順能遠惡是為八事經曰生而有財得友賢使諸惡無犯有福尤使王曰聖人之言誠無不使李曰有八事使與賢從事得諸聖人性體仁和事業日新忿能自禁慮能防患道法相親友不相欺是為八事經曰有佛興使演經道使眾聚和使和則常安王曰李常易諫今何難留李曰有十不諫慳貪好色蒙寵急暴抵突疲極憍恣喜鬪專愚小人是為十經曰

法語專愚 如與聾談 難化之人 不可諫曉
王曰如我僑恣不能遠色 李得無為不復與
我語乎 李曰人不與語有十事 傲慢 憊 鈍 憂
怖 喜 豫 羞 慚 吃 叻 仇恨 凍 餓 事務 禪思 是為
十經曰

能行說之可 不能勿空語 虛偽無誠信

改十

明哲所不顧

王曰惡婦美姿巧於詞令 如有外姪卒何用
知李曰有十事可卒知 頭亂 髻傾 色變 流汗
高聲 言笑 視瞻不端 受彼寶飾 闕看垣牆 坐
不安 所數至隣里 好出野遊 喜通姪女 是為
十經曰

婦女難信 利口惑人 是以高士 遠而不親
王曰人情所近 親信婦人 不知其惡

李曰人有十事不可親信 主君所厚 婦人所
親 怙身強健 恃有財產 大水潰處 故屋危牆
蛟龍所居 事較縣官 宿惡之人 毒害之蟲 是
為十經曰

謂酒不醉 謂醉不亂 君厚婦愛 皆難保信
王曰如李所語 愛習生惡 是可嫉也 李曰可
嫉有五 鹿口傷人 讒賊喜聞 譙謔不媚 嫉妬
呪詛 兩舌面欺 是為五經曰

施勞於人 而欲蒙祐 殃及其軀 自構廣怨
王曰何等 施行人所愛敬 李曰愛敬有五 柔
和 能忍 謹而有信 敏如少口 言行相副 交父
益厚 是為五經曰

知愛身者 慎護所守 志尚高遠 學正不昧
王曰何者 為人所慢 李曰見慢有五 鬚長而慢
衣服不淨 空無志思 姪態無禮 調戲不節 是
為五經曰

改十

九

攝意從正 如馬調御 無僑慢習 天人所敬
王曰願李留意 共還精舍 李曰有十事不延
於堂 惡師邪友 蔑聖反論 姪洪嗜酒 隱弊長
者無反復 子婦女不節 婢妾莊飾 是為十經曰
遠避惡人 姪荒勿友 從事賢者 以成明德
王曰李在我樂 四方無事 今日去者 國中必

嗟孛曰有八事可以安樂順事師長率民以孝謙虛上下仁和其性救危赴急恕己愛人薄賦節用赦恨念舊是爲八經曰

修諸德本慮而後行唯濟人命終身安樂

王曰吾常念孛豈有忘時孛曰智者有十二念鷄鳴念悔過作福早起念拜親禮尊臨事

念當備豫所止念避危害言語念當至誠見

過念以忠告貧者念當哀給護有財念行布

施飲食念以時節分物念以平均御衆念用

恩賜軍具念時繕治是爲十二念經曰

修治所務慮其備豫事業日新終不失時

王曰安得大賢使留孛乎孛曰大賢有十行

學問高遠不犯經戒敬佛三寶受善不忘制

欲怒癡習四等心好行恩德不擾衆生能化

不義善惡不亂是爲十行經曰

明人難值如不比有其所生處族姓蒙慶

王曰我過重矣畜養惡人使孛志去孛曰大惡有十五好殺劫盜姪洪詐欺諛虛飾佞

譏誣善貪濁放恣酗酖妬賢毀道害聖不計
死罪是爲十五經曰

奸虐饕餮怨譖良人已行不正死墮惡道

王曰曉孛不止使我慚愧孛曰人有十事可

愧君不曉正臣子無禮受恩不報過不能改

兩夫一妻未嫁懷妊習不成就人有兵仗不

能戰鬪慳人觀布施奴婢不能使是爲十

經曰

世儻有人能知慚愧是易誘進如策良馬

王曰吾始今日知有道者爲難屈也

孛曰有十二難任使專愚難怯弱御勇難仇

恨共會難寡聞論議難貧窮償債難軍無師

將難事君終身難學道不信難惡望生天難

生值佛時難得聞佛法難受行成就難是爲

十二經曰

人命難得值佛時難法難得聞能受行難

王曰今與孛談益我有智孛曰略說其要人

所當知四十五事修其室宅和其家內親於

九族信於朋友學從明師事必成好才高智遠宜皆以善富當行恩治產宜慎有財當廣方業子幼勿付財相善與交苟合莫信財在縣官當早憂出賣買交易以誠勿欺凡所投止必先行視所往當知貴賤入國當親善人客宜依勢無與強諍故富可求復素貧勿大

望寶物莫示人匿事莫語婦爲君當敬賢厚勇取忠信清者可治國趣事能立功教化之紀孝順爲本師徒之宜貴和以敬師多弟子當務義誨爲醫當有效驗術淺不宜施用病瘦當隨醫教飲食取節便身知識美食當共博戲莫吝財命抵所施假貸當手自付證佐

從正勿枉無過諫怒以順避惡以忍人無貴賤性和爲好道以守戒清淨爲上天下大道無過泥洹泥洹道者無老病死飢渴寒熱不畏水火怨家盜賊亦無恩愛貪欲衆惡憂患悉滅故曰滅度王當自愛我今欲退

王曰李欲去者寧復有異戒乎李曰譬如大

改十

上

水所盪突與雖百歲後不當於中立城郭也其水必復順故而來宿惡之人雖欲行善故不當信本心未滅或復爲非不可不戒人所欲爲譬如穿地鑿之不止必得泉水事皆有漸智者見微能濟其命如人健刈截流度也王曰前後所說我皆貫心舉國士女靡不歡喜舊惡低伏無敢言者王曰願聞其言儻遭異人何知其明李曰明者問對種種別異言無不善師法本正以此知之明人之性仁柔謹慤溫雅智博衆善所仰無有疑也觀其言行心口相應省其坐起動靜不妄察其出處被服施爲可足知之與明智談宜得其意得其意難如把刃持毒不可不慎也王曰欲事明者不失其意爲之奈何李曰敬而勿輕聞受必行明者識真體道無求知來今往古一歸空無人物爲化少壯有老強健則衰生者必死富貴無常是故安當念危盛存無常善者加愛不善黜遠雖有仇恨不爲施惡柔如

難犯弱而難勝明人如是不可慢也王曰盡心愛敬以事明智寧有福乎李曰智者法聖以行其仁樂開愚蒙成人之智治國則以惠施為善修道則以導人為正國家急難則能分解進退知時無所怨尤恩廣德大不望其報事之得福終身無患王其勿疑治正之法不可失道勸民學善益國最厚王曰誰能留李我心愁慘恍惚如在垂泣向李懺悔解過李曰如人不能汨不當入深水知報仇者不當豫姚親厚中諍後更相謝雖知和解善不如本無諍也善不能賞反聽讒言我如飛鳥止無常處道貴清虛不宜人間如野火行傍樹為焦激水破船毒蟲害人與智從事不當擾也草木殊性鳥獸類分白鶴自白鷗鷯自黑我與彼異無欲於世如田家翁生習山藪與之好衣為無益也天下有樹其名反戾主自種之不得食實他人竊取果則為出今王如是善安國者而見驅逐佞偽敗正反留食

改十

十三

祿賓客久留主人厭之我宜退矣王曰人命至重願垂憶念今欲自力事李勝前李曰王雖言之猶不得施夫人意惡我不宜留天下家家皆有炊食沙門所以持鉢乞者自樂除貪全戒無為遠罪咎也王曰今李既去莫便斷絕願時一來使我不恨李曰如俱健者猶復相見且欲入山以修其志夫近而相念惡不如遠而相念善智者以譬喻自解請說一事譬喻如人以蜜塗刀狗得舐之以傷其舌坐食小甜不知瘡痛四臣如是但美其口心如利刀王其戒之自今已後若有驚恐常念李者眾畏必除李復曰鵲鵲樂家羣鼠糞居百鳥栖樹鶴處汙池物各有性志欲不同我好無為如王樂國器雖麤弊不可便棄各有所貯愚賤不肖亦不可棄各有所用王當識此我猶知人言意所趣如鳥集樹先從下枝間關趣上見賓祇吠以知中外有謀意欲厭故更受新也李曰請退即起出城

王與夫人啼泣送之人民大小莫不號怨王行具問誰可信者李曰我姊子賢善可與諮議時時共出巡行國中觀民謠俗可知消息王曰受教即與傍臣人民爲李作禮於是別去李去之後四臣縱橫於外以佞辯爲正夫人於內以妖蠱事王王意迷惑不復憂國奢

改十

十二

姪好樂晝夜耽荒衆官羣僚發調受取無有道理征卒市買不復雇直強者焚弱轉相抄奪互相殺傷不畏法禁良民之子掠爲奴婢六親相失迸竄苟活灾異相屬王不能知風雨不時所種不收國虛民窮飢餓滿道歌謠怨聲感動鬼神人民愁怖亡去略盡號泣而

行莫不思李李如鵠鷹臨衆鳥上厭伏奸人慈育民物如天帝釋

李姊子道人後適他郡見國荒亂聚落毀壞人民單索還爲王說大臣不正放縱劫盜掠殺無辜殘害無道人怨神怒天屢降灾遠近皆知而王不覺今不早省且無復民王乃驚

曰果如李戒我所任者如狼在羊中知民當散如奔車逸馬道人旣告何以教之道人曰李去國亂皆由奸臣王宜更計國尚可復願一循行目見耳聞當知其實王即與道人私出案行國界見數十童女年皆五六十衣服弊壞呼嗟而行道人問曰諸女年大何以不

嫁答曰當使王家窮困如我使也道人曰汝言非也王者位尊憂重何能憂汝女曰不然王治不正使國飢荒夜則困於盜晝則窮於更衣食不供誰當嫁娶我也王復前行見諸者母衣不蓋形身羸目瞑啼哭而行道人問曰皆有何憂答曰當使國王窮盲如我使也道人曰是言非也老自目瞑王有何過諸母曰我夜爲盜所劫晝爲吏所奪窮行採薪觸犯毒螫使我如此非王惡耶王復前行見一女人跪犂牛渾爲牛所踰躅地罵曰當踰王婦如我使也道人問曰牛自踰汝王家何過答曰不然王治不政使國荒亂盜賊不禁令

我善牛見奪今為犛牛所踰非王惡耶道人言汝自不能犛牛女曰不然若王家善李自當留國不亂也王復前行見鳥啄蝦蟇蟇罵曰當使惡王見啄如我快也道人曰汝自為鳥所啄王當護汝耶答曰不望護也王無恩潤政治不平祭祀廢絕天旱水竭故使我

改十

七

身鳥見啄耳蝦蟇喚曰知為政者棄一惡人以成一家棄一惡家以成一鄉不知政者民物失所天下怨訟道人曰百姓無罪呼嗟感天神使蝦蟇降語如此王所具見宜退惡人改往修來與民更始如種善地雨澤以時何憂不熟王曰今當任誰道人言宜急呼李李

仁聖知時反國必安

王還即遣使者入山請李言若李不還當向叩頭道我自知怨資萬民憂不能食須待李到李素慈仁憂念十方知我國荒想必來也使者受命往到李所替首白言大王慙慙致敬無量自知罪過深重違失聖意使國荒亂

百姓窮困涕泣思李不能飲食願垂愍念復一相見也

李哀人民故隨使者還道見死獼猴故剥取其皮欲以坐諸國人聞李來皆出界迎李到城外止故精舍王出相見作禮問訊畢一面坐叉手謝李曰空頑不及害負天民請自悔勵幸遂原之李曰甚善四臣過耳語李曰卿等無過何不公談四臣悲曰子為沙門欲望天福人皆稱善不當殺獼猴取其皮也李曰卿等自迷惑不別真偽耳是輩好惡天悉知之苦樂有本不可強力為惡罪追雖久不解作善福隨終不敗亡禍福在已愚謂之速以

改十

五

我剥皮而殺獼猴難此似是卿曹默默為奸不止相殺事耶言命在天謂善無益為惡無殃禍福之報自然如響響應隨聲非從天墮卿所作惡豈不自識雖欲誣之自然不聽此非謗我為自中耳卿一人言人死神滅不復生者是聖語耶從意出乎自欲為惡反言作

善無福爲惡無殃夫天之明象日月星辰列現於上誰爲之者四臣默然字復曰天地之間一由罪福人作善惡如影隨形死者棄身不云其行譬如種穀種敗於下根生莖葉實出於上作惡不斷譬如燈燭展轉然之故炷雖消火續不滅行有罪福如人夜書火滅字存魂神隨行轉生不斷卿曹意志自以爲高如人殺親可無罪乎四臣答言夫陰其枝者不摘其葉何泥殺親而當無罪字曰然卿難我是吾取死皮汝尚誣之卿等所爲當復云何卿一人言人死神滅不復生一人言苦樂在天一人言作善無益一人言自怙知占星宿外陽爲善內陰爲奸譬如偽金其中純銅貌飾美辭心行讒賊如狼在羊中主不能覺天下惡人亦稱爲道被髮卧地道說經戒事行諂欺貪利欲得愚人信伏如雨淹壓羣妖相厭如水流溢不時入海多所傷敗唯有聖人能濟天下化惡授善莫不蒙祐若善無福

惡無殃者古聖何故造制經典授王利劍夫行有報其法自然善者受福惡者受殃天之所疾禍無久遲陰德雖隱後無不彰故國立王王政法天任賢能賞善罰奸各隨其行如響應聲人死神去隨行往生如車輪轉不得離地信哉罪福不可誣也人行至誠鬼神助之惡雖不覺終必受殃故當戒慎遠惡知慙若皆爲善稟氣當同不善者多或有不平或壽不壽多病少病醜陋端正貧富貴賤賢愚不均至有盲聾瘖瘂跛蹇癰殘百病皆由宿命行惡所致其受百福人所樂者則是故世善行使然積德忠正故有日月星辰有天

改十

其

蹇	聲	休	反	反
下上必我 古偃反	音候 凍	汗音鳥 貯知呂	慘七感 反	貨他代 反
癢	踰	謡	激	勢
隆音土舍	躡上徒荅 下映益反	搖音	擊音	号高 反
探	竄	迸	鷓鴣	盪
	下上必孟 七乱反	竄上必孟 下七乱反	盧慈 二字	蕩音 反
	剥	鵲	藪	汭
	必角 反	鵲上尺脂 反下音句	叟音	似由 反
	撻	屢	鵲	慙
	撻字	力反	鵲上尺脂 反下音句	口角 反
	跛			黜
				丑律

佛說海龍王經卷第一

西晉太康年三藏法師竺法護譯

行品第一

聞如是一時佛遊王舍城靈鷲山與大比丘
衆俱比丘八千菩薩萬二千一切大聖十方
來會衆德具足得諸揔持無所不搏辯才至
真決一切疑入大神通分割慧義諸度無極
濟於彼岸究暢開士定意正受諸佛咨嗟普
遊珠域神足飛行降伏衆魔分別諸法知如
本諦觀見一切衆生之原積累道品於卅八
法而無所著以大慈哀嚴身口意被無極鎧
過大精進於無數劫而不厭倦爲師子吼開
化外道以不退轉印如印之曉了諸佛深要
法藏其名曰山光菩薩慧山菩薩大明菩薩
揔持山剛菩薩山鎰王菩薩山頂菩薩山幢
菩薩山王菩薩石磨王菩薩雷音菩薩雷震
兩王菩薩寶雨王菩薩寶事菩薩寶英菩薩
寶首菩薩寶藏菩薩寶明菩薩寶幢菩薩寶

頂菩薩寶印手菩薩寶暢菩薩寶嚴菩薩寶
水菩薩寶光菩薩寶鎧菩薩寶現菩薩寶造
菩薩樂嚴法菩薩淨王菩薩嚴頂相菩薩金
光飾菩薩寶髻菩薩天冠菩薩千光菩薩原
焰菩薩照明菩薩月辯菩薩發意轉法輪菩
薩金光淨菩薩常施無畏菩薩萬二千菩薩
德皆如是也賢劫中大神彌勒輓首等六十
大聖不可思議解縛等十六正士帝釋四天
王與忉利天人俱鹽天兜術天不憍樂天化
自在天魔子導師梵天王梵淨天王善梵天
王梵具足天王大神妙天淨居天離垢光天
乃至一善天燕居天無善神王各與眷屬六
萬山樹神王四萬二千力士神王一名持華
三萬二千與香音神俱無焚龍王與七萬二
千諸龍俱四方金翅鳥王及餘一切諸大尊
神天龍鬼神無善神鳳皇神玉山樹神王恬
柔神等各與眷屬來詣佛所誓首畢一面住
比丘比丘尼清信士清信女前爲佛作禮各

坐一面

彼時佛與若干百千之衆營從圍遶佛處諸
天嚴淨師子高廣之座爲四部衆而普說法
佛在衆中如安明山王現于大海德超諸天
世無雙比光明巍巍靡所不照如來威變應
時空中化有寶蓋衆珍雜校遍覆四方無數

得

百千垂珠瓔珞青黃赤白無垢寶珠照虛空
珠光從珠出其色無量不可稱計雨諸香華
華至于膝虛空之中出大雷音雨衆名香
於是賢者大目犍連承佛聖旨前問佛言今
所感動未曾見聞此何瑞應

佛告目連今海龍王欲來見佛故先現瑞佛

語未竟尋時龍王與七十二億婁女八十四
億眷屬皆賣香華幢幡寶蓋百千妓樂往詣
佛所前誓首畢遶佛七匝各以所持用散佛
上妓樂供養與中宮眷屬俱住佛前以偈讚曰
慈施愍傷俗 示現與世眼 雖生於世俗
無著如蓮華 施俗之安隱 在世照三世